

الرشاد

س ۶ ۱ ۳۰ ۳ ۱

والله يهدي من يشاء الى صراط مستقيم ديني ، علمي ، ادبي ، سياسي هفته لقي بمجموعة اسلاميه در اتبعون اهدكم سبيل الرشاد

صاحب و مدير مسئول : ح . اشرف اديب

جلد ۲ - ۹

۲۹ تشرين ثاني ۱۳۲۸

پنجشنبه

۲ محرم ۱۳۳۱

عدد ۴۰ - ۲۲۲

هامش - بو مقاله مزك غزته كزله درجته ، و اكر ارزو ايدرسه كز آنك جرايد اجنبيه ايله دخي نشريته ، كال ممنونيتله سزه اعطاي مآذونيت ايدپورز .

ايشته فرانسزلك ساخته عثمانلي ديه توصيف ايتديكي روملك عثمانليقله استنزالري وتخت عثمانلي قارشى كستاخلقلى :

تخت عثمانليه بطريقاق تختي

روجه « ثولوغوص » ك ۱۹ تشرين ثاني باش مقاله سندن :

« كرك استبداد زماننده ، كرك اوليغارشي اداره سنده دائماً دوچار تجاوز وتعليقات اولان يونان عرقته دهاسعودانه بر استقبال تحيل ايدن شرق بيوك رئيس روحاني و مليسي ، شرق اورتودوقس كليسانك سانسده كي بيوك وضيا دار بيلديز ، كچن صالى كوني نابوسم ، فقط شانلي بر صورتده افول ايتشدرد .

زيرا بو افول ، بر طرفدن ژون تورك اداره ستنك انهدامى ، ديكر طرفدن يكي بر دور حيات كشاد ايدن احوال و شرائط فوق العاده نك حدودي صره سنده وقوع بولشدرد . اوله احوال و وقايع كه بيوك رئيس روحانيك بر جوق سنه لردنبري ايجنده ياشاديني ، آجيلر واميدسزلكردن ماعدا برشي كورمديكي احوالدين يك فرقيدر .

بو بيلديز ، احوال كه غير قابل حصول و فقط جسور و قوتلى خيالنك خلق ايلديكي طاتلى رويالر واميدلر آره سنده سونميدرد .

بو رأس عظيم و متفكر صوك كونلرده (ره تاليزم) دن اوزاقلاشمى سوردى . حالوكه ، رعيه ستنك ، كليسا امتيازاتنك دوچار تحقير و تجاوز اولديني زمان (ره تاليزم) ي كنديلريله كوروشلره توصيه ايدردى .

اورتودوقسلغك بو رأس ميجلى بطريقلكي زماننده بر جوق زهرلر ، آجيلر ايجمش ايسه ده صوك كونلرده اميد ايله مالامال يكي بر عالم ايجنده ياشامق بختيارلغندن ده محروم قالامشدر . شيمدي يه قدر تاريخي و ظلميده اولان بطريقلق تختنده اوطورانلر تعقيب اتدن ، تحقيراتدن ، فلاكتلردن و تجل و زلردن باشقه بر شي كورمديلر . حيات دنويولرنده بر شعله اميد مشاهده ايتمديلر ، فقط يواكيم ، ولو كه نجم حياتنك اثنائ غروبنده اولون ، لمعه اميديني كورمش ، قلبى بر حظ وجداني و روحاني ايله متحسس اولديني حالده ترك حيات ايتشدرد .

سبيل الرشاد

جراتك ، كستاخلغك بودرجه سي دنيا نك هيچ بريرنده كورولمه مشدر . بوسوزلري استانبولده اداره عرفيه آلنده چيقان بر غزته يازيبور . عثمانلي مسلمانلري يوقا ريده كي مكتوبله بومقاله يي كال دقت ايله او قوملي و عبرت آلملى درلر . بيجاره عثمانلي مسلمانلري بيك فلاكت ، بيك مصيبت ايجنده قيورانيور ؛ رومانك رأس ميجلى ايسه قلبى بر حظ وجداني و روحاني ايله متحسس اولديني حالده ترك حيات ايتمش ! نه طوغرو سوز ، نه آجي حقيقت ! ياشاسين اتحاد عناصر ! شاق ، شاق ، شاق .

بو حقيقتلري بوندن ده بيك اوچيوز بوقدر سنه اول بيلديرن ايشته ايكي دستور قرآن :

(۱) واعتصموا بحبل الله جميعاً ولا تفرقوا - ولا تنازعوا ففشلوا وتذهب ريحكم .

(۲) ولن ترضى عنك اليهود ولا النصارى حتى تتبع ماتهم . فقط بز ، بولايتغير قانونلرك ، بو دساتير اجتماعيه و قوانين حياتيه نك هيچ برينه رعايت ايتمك . نظام سز ، قانون سز كاشات ياشايه مديني كي ماتلر ، جمعيتلرده ياشايه ماز .

قرآنى يالكر نماز ، اوروج كتابى عد ايتمك . بيكلرجه اوامر اجتماعيه و حياتيه نك هيچ بريني نظراهميته آلمادق . عاقبت « فدمرناها تدميراه سرينه مظهر اولدق . متعدد دولتلر تأسيسنه كفائيت ايدمك قدر قطعه لر من افول ايتمكدن ، يوز بيكلرجه قارداش لر من محو اولدقدن صوكراده مسلمانلر اويانمايه جق ؛ كتابى ، قانون حياتى آكلايوب آنكله عامل اولمايه جقمى ؛ او ، بيلير ! آرتيق هرشي آكلاشيلدى . طوبلرله ، توفسكلرله بتون حقايق كسب وضوح ايتدى . بوندن اوته سي اضمحلال مطلق در .

يا قرآن ياشايه جق ، يا ملت محو اوله جق !

هم شونى ده بيلملى كه قرآنك ياشامه سي بز و جود مزه متوقف دكلدر . (من یرتد منكم عن دينه فسوف يأتي الله بقوم يحبهم ويحبونه اذلة على المؤمنين اعزة على الكافرين يجاهدون في سبيل الله ولا يخافون لومة لائم ، ذلك فضل الله يؤتيه من يشاء ؛ والله واسع عليم .) بز دبدن يوز چويررسه ك الله اوليله بر قوم كتيرر كه كنديسي اوللري ، اوللرده معبود مطلقلري سورلر . بو مبارك قوم ، مؤمنلره قارشى رحم ، لكن دشمنلره قارشى شديد اولوب في سبيل الله مجاهده ايدمك ، لائلك لومندن اصلا پرواسي اولمايه جقدر . ايشته بو مظهريت جناب حقك عنايتي در كه ايتديكنه ويرر . الله واسعدر ، علميدر .

شيوه نو

بالقائل محاربه سي :

مباركه عقيديني متعاقب مقدمات صلحيه ايله اوغراشلمش و بو هفته لوندرده تشكيل اولونه جق مذاكرات صلحيه يه مرخص تعيينيله اشتغال اولونمش در . دولت عليه طرفسندن عثمانلي آژانسك تبليغه نظراً بحريه ناظري صالح ، زراعت و تجارت ناظري رشيد و برلين سفيري عثمان نظامي پاشا لر تعيين اولونمشلدر . بلغارلر طرفسندن دخي باش وكيل و خارجيه ناظري كشوف ، بلغار باش قومانداني جنرال صاووف و بلغار ماليه ناظري طودوروف تعيين اولونمشلدر .

عالم اسلامده تظاهرات

قفقاز ياره :

« نوويه وره ميا » نك قفقاسيه مخبرى ، بالقان محارباتنك قفقاسيه اسلاملري اوزرينه اجرا ايتمش اولديني تأثيردن بحث ايدمك : « بوراده بيوك برهيجان وار ، اراضى و املاك صاحبي و بيوك سرمايه دارلر ، عمله و بتون مسلمان اهلينك اتحاد اسلام ناشرلري تحت تأثيرنده اولوب توركيه نك دوچار اولديني مشكلاتي روسيا دولتنك انتريقه سته حمل ايله روسيا عليه بيوك بر جريان فكري ، كيندار بر حس عداوت پرورده ايدپورلر » ديه دوائر حكومتى تيقط و انتباهه دعوت ايدپور .